

四庫全書

經部

欽定四庫全書

經部

周禮圖說卷下

詳校官監察御史_臣徐如澍

刑部郎中_臣許兆椿覆勘

總校官降調編修_臣倉聖脉

校對官中書_臣張虎拜

謄錄監生_臣金部榮

繪圖監生_臣李鈞

欽定四庫全書

周禮圖說卷下

明 王應電 撰

井邑丘甸 通成終同 同封畿 侯封實封食祿攷

比閭族鄙州鄉

伍兩卒旅師軍

已上圖並見六卷上治地事宜

字學六義貫珠圖

樂舞圖 樂器圖

司市次敘陳肆

八節

九賦九職相胥

載師閭師相胥

班祿圖 班祿說

班祿定式

十二章服

射禮鵠正圖 三

周大學辟廱圖

大學說 二 鄉飲酒圖

鄉飲酒義

九儀命圖

司服

內司服

冕旒命數

冕旒延紐紘統

章甫冠圖說

弁圖

緇撮圖

端衰前後式 二

深衣式

玄端端衰深衣說

裼襲攷

瑞玉圖

瑞玉說

九命旗總圖

九旗圖 九旗說

車制二

營軍壘舍

逐禽左

合弓 八矢

校人二 馬政

秦漢內外朝

漢兩府

漢南北軍

字學六義貫珠圖

水象下流形

𣶒

濟渡水也从水从齊以渡水者其入必齊指
事指為凡事得濟之稱轉上聲為河濟字

𣶒

齊象木麥之幹高下不齊至
日之時而齊熟形為齊
一之義轉去聲為劑量字

齊衣下縫也音茲从衣从齊以
衣下齊會意盛字諧此聲

𣶒

衣象領袖裾下垂衿右掩形

𣶒

竹一枝也象葉
垂形

止

止象足趾形備
為止足安止義

𣶒

帶从手持
竹象形

𣶒

婦婦人嫁
夫家也从
婦省止之
象婦之事

𣶒

又象手省文形

𣶒

婦夫之匹也从
女執帛會意

𣶒

女象安坐
掩手形


𣶒

卓象側山形
借為藩字

𣶒


歸人反其居
也从阜以人
所居从歸聲
音讀以
物遺人也

樂舞圖



樂器圖

磬 頌



舊有是圖但解有未當本之經文參之註疏稍為訂正
如左


頌磬磬之大者

大射禮阼階東笙磬西面其南笙鍾其南鐃西階之西
頌磬東面其南鍾其南鐃皆南陳

書於子擊石拊石重曰擊輕曰拊磬有大小故擊有輕
重

書鳴球即特磬玉為之故字從玉

磬 笙




笙磬磬之小者即儀禮編磬


小胥云凡縣鍾磬半為堵全為肆註云鍾磬編縣之二
八十六枚在一簣簣謂之堵鍾一堵磬一堵謂之四直
者曰簣橫者曰簣簣上板曰業業上樹羽兩端為龍首
頷下銜壁垂旒牛尾為飾

按編鍾編磬必十二枚以應十二律十六枚未詳

鐃



鐃



鏞大鍾也書笙鏞以間詩賁鼓維鏞


國語細均有鍾無鏞尚大也大均有鏞無鍾尚細也

鏞小鍾也周禮謂之編鍾其法如編磬每字一擊


鏞鍾十二依次陳之以應十二律

書傳云君出奏黃鍾右五鍾皆應入奏應鍾左五鍾皆應

琴




瑟



琴七弦瑟二
十五弦世俗
通用之樂

簫




簫疏云長尺四寸頌簫二尺二寸形象鳥翼

廣雅云大者二十四管小者十六管


古文作𦵏畫有長短象鳥兩翼一作𦵏象有吹處

簫




簫即今時五孔笛

管




管亦今時通用
六孔併兩吹之

簫




簫如籥三孔

簠




簠八孔一孔上出孔徑
三分長尺四寸圍三寸

笙




笙立竹匏中十
三管參差如鳳
尾形施簧于竹
本宮管在左方

竽



竽制如笙長四尺二寸二十六簧宮管在中

鼓




鼓常時所擊但有大小不同

儀禮大射建鼓在阼階西南應輦在其東建鼓在西階之西朔輦在其北建鼓即路鼓王之鼓也


大師下管合奏鼓輦輦小鼓也小鼓為大鼓先引故名小師下管擊應鼓應即輦也二字用無異義聲相同故互用之鼗即輦別名古文鼗字作甲輦字旁申即甲之誤朔輦未詳

拊



書搏拊琴瑟周禮大師登歌令奏擊拊鄭氏曰形如鼓以韋為之著之以糠即今節樂器中施柱兩端施革而擊之者蓋用同而制稍異耳


壝



燒土為之大如鵝卵銳上平底六孔


損麓其竅盡合為黃鍾盡開為應鍾相應和也

祝



狀如方斗以木為之中有椎撞其底及左右擊以起樂

敬



狀如伏虎背刻二十七齟齬別以木長尺櫟之以止樂書戛擊鳴球註云即柷敔與球琴瑟用于堂上

按木非止柷敔凡絲革無輔則不成器故所輔以取聲者莫非木也竹亦有用木者

八節圖

虎節



龍節




人節




已上三節皆鑄金為之以英蕩輔之者英玉也蕩大竹也或以玉或以竹而載節其上使則分其半反則合之天子之使有公侯卿大夫士不同尊者以玉卑者以竹並天子所專也


玉節



角節



符節



已上三節皆篆刻文字而中分之守邦國擬于諸侯故以玉守都鄙在內而屈故以角二者亦天子所專也符節外內送令出入所持用竹而已門闕所為也

旌節



析羽而著于竹行則持之以為表鄉遂官府所為也

璽節

刻文印物

以玉為章刻以文字以朱印之貨賄多出入則以為驗
司市所為也

九賦九職相胥圖

九賦

九賦之中除關市幣餘于九職無與山澤出于虞衡數牧其餘千里之地執非九職之民故曰九賦不外乎九職

九職

九職之中除虞衡數牧當山澤之賦其餘七等之民分布于千里之內故九職即所以出九賦也

關邦四家邦邦邦山幣
市中郊削甸縣都澤餘
之賦賦賦賦賦賦賦賦
以賦以賦以賦以賦以賦
待以待待待待待待待
王賓稍匪工幣祭喪賜
之客秣頌事帛祀紀予
膳服

三農生九穀

園圃毓草木

虞衡作山澤之材

數牧養蕃鳥獸

百工飭化八材

商賈阜通貨賄

嬪婦化治絲枲

臣妾聚斂疏材

閒民無常職轉移執事

載師閭師相背圖

載師任主

載師所治廣總其大綱故自國中至疆而言其地

閭師任民

閭師所治小徹于各戶故自三農至閭民而言其民

地之中國任里廛以國宅

地園任圃場以園廛

地之郊近任田賈田士田宅以近郊遠郊

地之郊遠任田牧田賞田牛田官以

地甸任田之邑公以甸

地稍任田之邑家以稍

地縣任田之都小以縣

地疆任田之都大以都

任農以耕事貢九穀

任圃以樹事貢草木

任工以飭材事貢器物

任商以市事貢貨賄

任牧以畜事貢鳥獸

任嬪以女事貢布帛

任衡以山事貢其物

任虞以澤事貢其物

凡無職者出夫布

班祿圖

卷下

王朝															
三公		卿		中大夫		下大夫		元士		中士		下士			
食大都		食小都		食采邑		治采邑		視列國卿		視大夫		視士			
視大國君		視次國君		視小國君											
大國君		次國君		小國君		附庸君		卿		大夫		上士		中士	
三萬千畝		二萬四千畝		一萬二千畝		半子男		一千六百畝		已上四等		已上三等		已上二等	
三百五十井		二百四十井		一百六十井		一十六井		並八百畝		並四百畝		並二百畝		並一百畝	
												</			

班祿說

按司祿雖缺然以孟子春秋考之則炳如也孟子曰大國地方百里君十卿祿卿祿四大夫次國地方七十里君十卿祿卿祿三大夫小國地方五十里君十卿祿卿祿二大夫自大夫而下則三等之國皆大夫倍上士上士倍中士中士倍下士下士與庶人在官者同祿祿足以代其耕而耕者之所獲則有食九人至五人之五等庶人在官者其祿以是為差夫國君有實封之地大司

徒其食者半三之一四之一是也有所食之祿君十卿
祿而下是也自卿而上大臣與君同休戚故三等之國
隨其大小下于君十倍自大夫而下少則無以為食故
三等之國命雖不同而祿無隆殺自下士而下則取足
以代耕而以耕者之所入為差畿外君臣之祿不過如
此至于畿內臣庶之祿孟子所述卿大夫元士之祿與
諸經不合攷之春秋三公之爵稱公則當同大國君之
祿卿之爵稱伯則當同次國君之祿中大夫之爵稱子

則當同子男之祿下大夫稱子則其爵視附庸之君與
大國之孤而祿之所入亦當視附庸之君蓋半于小國
之君也觀秋官掌客諸侯待王臣之禮三公視上公卿
視侯伯大夫視子男亦與春秋合當以之為正可也其
元士以下亦依命數而班以祿則元士視列國之卿中
士視其大夫下士視其上士蓋爵尊于侯國之士則祿
亦當加厚掌客士眡諸侯之卿禮亦其證也又公卿大
夫士庶之祿皆給自公田官吏有更易而田賦無增減

田為母而官吏為子苟給之以田永為常業亦已足矣
必入于司祿而後給之者蓋歲有豐凶功有上下故必
收于官而給之所謂家削之賦以待匪頒且以示君上
養賢之意也其公卿大夫各有采地而其所以治夫采
地者又各有官蓋治王朝官府之事則食在朝家削之
匪頒治甸稍縣都之地則又當食采地之常祿如宋朝
之兼官則有兼祿亦優厚君子之道而其所統鄉遂都
鄙之吏則各食于其地入則所謂祿位以馭其士大約

一視其爵以為祿也然則司祿所掌亦不過此而周室班祿之制庶幾無不可得聞者乎

頒祿定灋

侯國大夫士 庶人在官者之祿 橐人職曰試其弓弩以下上其食孟子曰耕者之所獲上農夫食九人上次食八人中食七人中次食六人下食五人庶人在官者其祿以是為差若如周禮之灋則上其食者如上地家七人下其食者如下地家五人平等如中

地家五人矣 合用田百畝可供九人至五人

下士之祿 孟子曰下士與庶人在官者同祿 合用
田百畝可食九人當一井公田之入

中士之祿 孟子曰中士倍下士 合用田二百畝可
食十六人當二井公田之入

上士之祿 孟子曰上士倍中士 合用田四百畝可
食三十二人當四井公田之入

下大夫之祿 孟子曰大夫倍上士 合用田八百畝

可食六十四人當八井公田之入

已上侯國大夫士命雖不同而祿無隆殺蓋少則無以為食也

侯國君卿 大國卿之祿 孟子曰卿祿四大夫 田

三千二百畝可食二百八十八人當三十二井公田之入

大國君之祿 孟子曰君十卿祿 田三萬二千畝可食二千八百八十人當三百二十井公田之入

次國卿之祿

孟子曰卿祿三大夫

田二千四百畝

可食二百一十六人當二十四井公田之入

次國君之祿

孟子曰君十卿祿

田二萬四千畝可

食二千一百六十人當二百四十井公田之入

小國卿之祿

孟子曰卿祿二大夫

田一千六百畝

可食一百四十四人當一十六井公田之入

小國君之祿

孟子曰君十卿祿

田一萬六千畝可

食一千四百四十人當一百六十井公田之入

已上三等侯國卿之祿皆下于君十倍大臣與君同
休戚故隨其國之大小而不同于君十倍也

王朝公卿大夫 公之祿 掌客三公視上公春秋三
公稱公祿當視大國君 卿之祿 掌客卿視侯伯
春秋卿稱伯祿當視次國君 中大夫之祿 掌客
大夫視子男春秋大夫稱子祿當視小國君 下大
夫之祿 春秋下大夫稱字與附庸之君公之孤同
祿蓋視附庸之君半于子男者也

王朝士 元士三命 視列國之卿三等之國卿祿不
同疑視其功而為之上下也

中士再命 視大國之大夫田一十六井


下士一命 視小國之大夫田八井

已上依命數而班祿異于侯國三等之士


十二章服圖

解見春官內司服

日




月




不當作圓滿
之形以混日

星辰



已上三
章周畫
于太常

山




龍



周登龍于山

華蟲




宗彛




藻




火



粉米




補




不施柄者
神武不殺
之意

散



大射皮侯棲鵠圖




司裘王大射則共虎侯熊侯豹侯設其鵠諸侯則共
熊侯豹侯大夫則共麋侯皆設其鵠大射者諸侯春
獻功并貢士于天子天子與之射于澤宮擇士以祭
也其灋特嚴用虎熊豹麋之皮以為侯中棲一鵠以
為的攷工謂所謂張皮侯而棲鵠則春以功也凡侯
皆布為之儀禮白質丹質是也節以獸皮者取服猛
之義

正與鵠皆中之的但鵠一而正有五采三采二采之不

同詩不出正兮專指采侯言記不失正鵠兼皮侯采侯
言也


賓射五采侯正圖



射人以射灋治射儀王以六耦射三侯三獲三容樂以
騶虞九節五正諸侯以四耦射二侯二獲二容樂以貍
首七節三正孤卿大夫以三耦射一侯一獲一容樂以
采蘋五節二正士以三耦射一侯一獲一容樂以采蘩
五節二正此諸侯朝會于天子之賓射三侯者虎熊豹
二侯者熊豹大夫一侯鹿豕此與諸侯習禮比擇士之
大射其灋差寬天子之正內朱次白次蒼次黃外玄攷
工記所謂張五采之侯則遠國屬也諸侯三正損玄黃

大夫士二正止朱綠

燕射獸侯圖




鄉射禮凡侯天子熊侯白質諸侯麋侯赤質大夫布侯
畫以虎豹士布侯畫以鹿豕凡畫者丹質此天子燕王
朝羣臣與息老物而射也熊麋虎豹字誤當以司裘天
子虎諸侯熊大夫麋為正白質赤質丹質皆布也觀天
子之弁帶皆朱裏則此亦當用丹質天子虎諸侯熊豹
皆用全皮大夫麋士鹿豕不用皮畫物而已此平時習
射其灋尤寬故以獸皮為的及物即為中攷工記所謂
張獸侯則王以息燕蓋無正鵠故止曰獸侯也

造侯之度 梓人為侯廣與崇方三分其廣而鵠居一
焉上兩箇與其身三下兩箇半之 鄉射禮記曰倍中
以為躬倍躬以為左右舌下舌半上舌上綱與下綱出
舌尋纈寸焉

廣與崇方高廣正方也三分其廣而鵠居一焉謂鵠居
侯三分之一即記之倍中以為躬也上兩箇與其身三
謂身居一分兩箇各一分共為三分即記倍躬以為左
右舌也下兩箇半之謂半于上兩箇所出之數即記之

下舌半上舌也大約侯制上廣下狹蓋象獸之後足斂
縮前足開張撲物之形上綱與下綱出舌尋頰寸焉謂
繫舌之繩出于舌八尺傳一寸也

周大學辟廱圖



愚欲明周人二學之制故因古辟廱圖畫其大略如此
覽者其勿泥焉

長樂陳氏曰四代之學虞則上庠下庠夏則東序西序
殷則右學左學周則東膠虞庠而周又有辟廱成均瞽
宗之名上庠東序左學東膠大學也故國老于此養焉
下庠西序右學虞庠小學也故庶老于此養焉周之辟
廱即成均也東膠即東序也瞽宗即右學也以樂祖在
焉則曰瞽宗以居右則曰右學蓋周之學成均居中其

左東序其右瞽宗皆大學也虞庠在國之西則小學也
記曰天子視學命有司行事祭先師先聖焉卒事遂適
東序設三老五更之席又曰食三老五更于大學所以
教諸侯之弟祀先賢于西學所以教諸侯之德夫天子
視學則成均也命有司行事祭先師先聖焉即祀先賢
于西學也祀先賢于西學則祭瞽宗也有司卒事適東
序設三老五更之席即養國老于東膠也養國老于東
膠即食三老五更于大學也然則殷之右學在周謂之

西學亦謂之瞽宗夏之東序在周謂之東膠亦謂之大學蓋夏學上東而下西殷學上右而下左周之所存特其上者則右學東序蓋與成均並建于一丘之上也由是觀之則成均班學政右樂祀樂祖東序養三老五更右學東序不特存其制而又因其所上之方而位之也按東序者序乃屋名用以習射者在東故曰東序東膠者即東序之謂也其曰瞽宗者瞽善聲樂學者之所宗灋在西故亦曰右學也學之左右各有其義若辟廱成


均大學則其總名耳詩大雅靈臺篇曰於樂辟靡辟大也靡和也主大司樂典樂以教胄子故以為名一曰成均均調也猶黃帝鈞天之鈞取成和之義也水環于外者即所謂澤宮也習樂者必專心致志而後成故于澤中之丘以立學宮使無雜慮之干也其周禮謂之大司樂即記之大樂正指其所有事也又謂之大司成以其掌成均之灋也實則一而已陳氏總合數處通融解之使無不合其說善矣成均班學政為無所據蓋天子之

視學也主于尊師乞言或合樂進退人才非別有學政之班猶之視師者主于拜將犒軍或易置師帥非別有軍政之班其學政之一由於師猶軍政之一由於將耳且天子之所至自有大次小次若曰成均居中以班學政此乃後世自尊大之事豈成周之制耶愚因畫圖如右更以文王世子所載政之春秋學干戈秋冬學羽籥皆于東序春誦夏弦大師詔之瞽宗秋學禮執禮者教之冬讀書典書者詔之禮在瞽宗書在上庠凡祭祀與

養老乞言合語之禮皆小樂正詔之于東序大樂
正樂舞干戚語說命乞言皆大樂正授數大司成
論說在東序蓋舞者樂之大乞言合語禮之大論
說者通其義而皆在于東序則東序者學之成者
乃居之也誦詩弦歌樂之小者執禮樂之中而皆
在于瞽宗則瞽宗初入大學之所居也若讀書則
未離乎小學之事故猶在乎上庠上庠即虞庠小
學也十四歲未成童已下之學年少猶未可遠出

故在國之西郊

鄉飲酒圖



鄉飲酒義

鄉飲酒之禮失禮經之旨者二其一賓僎介主之義不明也其一設席之不正也夫所謂鄉飲者以養老為義也天子養老于大學諸侯養老于國學是故鄉大夫養其鄉之老者于鄉學也故所謂主者即鄉大夫也所謂賓者乃一鄉中齒德之至尊者也所謂介者齒德亞于賓所以輔賓者古人每事必有介以輔其不及也所謂僎者何也衆賓中之貴者也儀禮曰賓若有尊者諸公

大夫則既一人舉觶乃入席于賓東是也所謂諸公大夫者謂天子之三公卿大夫致政而在鄉者也苟序爵而躡居賓之位則屈夫齒而失養老之義序齒而降居賓之下則屈其爵而非貴貴之禮故別設位于賓之東以居之周禮黨正飲酒于序以正齒位三命而不齒即此位也主賓介僕之義既明而後其位可得而正矣夫堂上之位莫尊于南面之正中以其有尊故坐賓于西北謂在北面南而稍西也僕則席于賓之東尊與賓並

也介則賓階上東面以受生氣亦尊者所居也主則阼階上西面其位為卑自卑而尊人也故所謂西北者謂在北而稍西東北者在北而稍東西南者在南而稍西東南者在南而稍東非賓坐西北而向巽僕坐東北而向坤介坐西南而向艮主坐東南而向乾也今人不知僕之義如知縣為主則有以丞簿為僕者因記言僕以輔主人而誤也其坐位則四隅相向古未嘗有此坐向語云席不正不坐苟如此尚得為正乎觀於儀禮賓升

席自西方介主人升席自北方降自南方蓋設必正方
故升亦正方且記亦曰賓必南向介必東向今人設四
隅之向者因記言四隅之位而誤也按禮記鄉飲酒義
發明切當但亦有純駁班如者不能不啓後人之惑如
云介僕象日月復云立三賓以象三光是三賓復為日
月矣且大賓主於一唯主人獻衆賓則衆賓之長升拜
受者三人耳何嘗有所謂三賓乎其曰僕以輔主人贊
乃主人之輔僕亦賓也何得言坐僕於東北以輔主人

乎夫堂上之位以向明為尊其次則東面以受生氣為尊賓與僕既南面則介自當東面主人居南而西面亦必然之理何必以溫和之氣配僕與主嚴凝之氣配介與賓而反失僕賓介主之大義乎古人制禮哭踊揖讓必成于三其曰讓之三也象月之三日而成魄則哭踊豈亦象月而為之耶羞出自東房烹狗於堂東北皆出自主人之意而曰祖陽氣之發於東方皆不免於傳會也

諸侯五儀諸臣五等之命圖

九儀之命	諸侯	王朝臣	諸侯世子	大國臣	次國臣	小國臣
九命作伯	上公九命為伯	三公加為三伯	公之子誓于天子下公一等			
八命作牧	侯伯加為侯伯九州牧	卿出封卿	侯伯子已公侯伯子子男于已誓于侯伯未誓繼子誓未誓下			
七命賜國			一等男			
六命賜命	子男附庸	縣內諸侯大夫大夫出封	孤執皮帛卿			
五命則命		上士	大夫		卿	
四命受器		中士			大夫	
三命受命		下士			上士	
二命受命					卿	大夫
一命受命						

司服圖

金匱要略卷下

卷下

小國臣	次國臣	大國臣	王朝臣	諸侯	王	九命	龍升降	衮衣
			三伯	三後三公	衮衣	八命		鷩衣
			三公		鷩衣	七命		鷩衣
				侯伯	火	六命		
			卿		毳衣	五命		毳衣
		孤	大夫	子男附庸君	藻	四命		
	卿	卿	上士		希衣	三命		希衣
卿	大夫	大夫	中士		玄衣	再命		玄衣
					衣玄端	一命	素積玄端	純衣

王常日月章

龍升降

九命

衮衣

三後三公

三伯

大國臣

次國臣

小國臣

鷩衣

七命

鷩衣

侯伯

卿

大夫

卿

卿

毳衣

五命

毳衣

子男

附庸君

大夫

卿

卿

希衣

三命

希衣

上士

卿

卿

卿

卿

純衣

一命

衣玄端

中士

大夫

大夫


大夫

卿

內司服圖

小國命婦	次國命婦	大國命婦	王朝命婦	王宮命婦	諸侯夫人	王后	首服	九命章服
					室後矣	與夫人服 名同筆異	副	九命
			三夫人	三夫人	侯伯矣	揄狄	以一冕貴于五服	八命
			卿內子	九嬪	子妻矣	闕狄	首服止于一猶王	七命
						鞠衣		六命
		孤之婦	大夫世婦	王世婦	附庸矣	展衣		五命
	卿內子	卿內子	元妻	女御		緣衣		四命
卿內子	太妻	太妻	中妻				編次	三命
								再命
								緣衣
								素沙

弁圖




春官司服凡兵事韋弁服眡朝
則皮弁服夏官弁師王之皮
弁會五采玉璫象邸玉笄
弁以皮六方璫之會其合璫
處以五采玉璫十二節于會
中詩所謂會弁如星又曰其
弁伊綦也象邸者以象齒置
于弁頂輶處也玉笄者貫于
弁以為固也諸侯之弁會三
采子男而下會二采

冕旒命數圖


王冕 <small>並十旒</small>	衮冕	鷩冕	毳冕	希冕 玄冕	
九命	八命	七命	六命	五命 四命 三命 再命 爵弁	皮弁 緇布冠
衮冕九旒	山八旒	鷩冕七旒	火六旒	毳冕五旒 藻四旒	希冕三旒 玄冕二旒
諸侯	二王後	<small>侯伯加九</small> 侯伯	子男	附庸君	
王朝臣	<small>三公加為三伯</small> 三公		卿	大夫	上士 中士
大國臣				孤	卿 大夫
次國臣				卿	大夫
小國臣				卿	卿

冕旒延紐紃統圖



此圖五旒乃子男冕也其冠武上覆及延紐統瑱紃纓筭等之制上下通用所不同者天子纁十有二就其餘則依命數而為之與夫玉之美惡色之多寡以為等差也

章甫冠圖



叔孫通禮圖章甫冠
制如覆盂前高廣後
卑銳上有三辟積武
高四寸象筭左右有
纓猶今進賢冠


章甫冠說

記玉藻朝玄端夕深衣語公西華曰端章甫願為小相
焉記儒行孔子少居魯衣逢掖之衣長居宋冠章甫之
冠語所謂端即記之玄端儒行逢掖之衣即玉藻之深
衣觀語以端章甫並稱則章甫者本玄端之冠觀儒行
以章甫逢掖皆孔子所服則章甫亦可為深衣之冠叔
孫通去古未遠所傳之制似為有據所謂進賢冠者今
之朝冠即其遺制但後有山為少異蓋山不麗于天殊

失灋象之旨謹參酌制之畫圖如右夫前高廣者人向
明而立日月星辰皆在前高明廣大之象而背後斂于
天樞故卑銳也三辟積者灋三光之垂象也武以著冠
簪纓以為固也章之云者爾雅山正平曰章甫之為言
美大之稱言是冠之平正美大服而觀之自見其不謬
後世進賢卷容綸巾等制皆不出此又按喪冠與此無
二蓋古人之冠用為吉即以為凶故曾子問有因喪服
而冠者今世吉冠之制既廢喪冠之制猶存但太為草

略世人遂以凶異目之今定章甫之制如此人將謂吉之同于凶不知古之凶本于吉也夫首圓象天冠以覆首故其上必以圓若弁若緇撮無有平上者惟冕則平以灋天之南北極為天樞紐之象又南極入地北極出地皆三十六度故亦象其前卑後高且以示尊貴者下人之意今之巾率皆四角平頂地有四方治地曰平故足方象地履道如砥冠屨同制豈頭圓足方上天下地之理乎


緇布冠圖



詩都人士臺笠緇撮太古冠也止取以覆髻故名曰撮蓋弁冕冠皆未有時所服也古聖賢像多用是冠者後王之制雖美猶不忘其本耳其形與今之道家相類者老氏欲復太古之道故其冠亦用太古之冠也

端衰後式


通博四寸半
 則長八寸也
 之掩于衣之間
 肩處自然如矩
 之方即曲如矩
 矩也
 通長八寸
 通廣四寸
 適之為言主也
 言其為衣之主
 即領也故又曰
 辟領
 領緣廣寸半



深衣式

欽定四庫全書

周禮圖說



玄端端衰深衣說

卷下

經有玄端之名其制不見古稱端衰謂衰之制即端也

按儀禮喪服衣

上曰衣

二尺有二寸此衣之正身其長可

以當無骨也

腰曰無骨

衣帶下尺謂二尺二寸之外又長一

尺

通衣身裁之不如今剪而復續以為支離

用以掩裳天覆地之義也袂

臂之

所服也

屬幅袂連于衣也袪袖口

尺二寸袖口之寬數也

衽二尺有五寸衽内外衿也

觀論語左衽可見舊解以為下垂非也

通衣

之長三尺有二寸衽減七寸者恐礙頤也自綴于衣處

又漸殺以至于掖而繫以小衣帶然後便于體其裁灋則內外衽交解裁之此皆自然之勢後人所誤以為燕尾者也適之為言主也言其為衣之主即領也博四寸出于袞謂領之濶四寸而長八寸也

袞六寸出于袞故長八寸也 註

疏謂適為辟領者何也辟之為言夾也衣之開跨肩處已有布以補之所謂塞于濶中是矣別加領焉斯辟矣于是堅厚可以提挈垂于頂之兩旁各八寸故又曰左適右適其正中反屈處自然如矩之方故又曰曲袷如

矩也衰負古人用以前後掩心者也蓋心者神明之舍
後有肺以為華蓋前有骨以為護而天之五帝座亦有
華蓋覆于上勾陳護于前故取象如此負廣出于適寸
則方一尺衰六寸博四寸形稍長如心也此皆在衣之
內因縫向外故皆在外謂之負者以其任在背也衰之
為言凡有喪者萬慮皆衰極于無飾而縫向外故因以
所見者為衰云凡衰外削幅縫邊在外裳內削幅縫邊向內若齊
裳內衰外夫禮吉凶異道不得相干故喪服皆反吉削

幅與下縫皆向外則衣自反矣儀禮先敘五服而總結之以凡衰之制言五服之衰皆然不止謂斬衰也蓋衰之別在齊斬及升數而不在于適負衰及外削幅先儒謂齊衰已下無適負衰者因求其義之誤又以為縫向內皆不深考乎經文也若裳則五服皆內削幅下體輕故不變幅皆三袖所謂帷裳也下縫惟斬向外齊已下皆向內不純凶也夫衰反端而為之故謂之端衰今欲為端者亦反衰為之而已衣帶下袂祛適裳蓋無不同

惟內削幅故前後掩心者後之負前之端皆在衣之內耳夫謂之端何也蓋衣裳皆均齊方正而無圓袂縫掖邪裳等制而所以掩心者端然在心故因以得名亦取以為教云爾若深衣之制則取衣裳之通合為一而其長及于踝

足圓骨

故因以深名而其制則于端有損益而

無大異也是故上則端之衣也但縫其掖而圓其袖故

曰袼之高下可以運肘

肱臂之交

袂圓以應規下則端之裳

也但以六幅交解裁之而為十二幅故曰應十二月狹

者在上而廣者在下故曰深衣三袂

袂尺二寸三之三尺六寸也

縫

齊倍要

七尺二寸

又曰非帷裳必殺之前後六幅各以邊向

裏而以裁處向旁不加修剪製而衣之自然平而且直

故曰負繩及踝以應直下齊如權衡以應平也惟長中

繼掩尺乃制衣裳要縫之灋蓋上衣二尺二寸當無骨

處此入之中也帶下尺則長矣內當其中繼之以裳是

衣之掩裳一尺故曰長中繼掩尺若曰上衣長于人之

中及掩于裳之繼處一尺也唯其如是既不失乎覆載

之義而衣裳合一深與適宜故可以為便服而衣之也
深衣白而緣黑從後視之則黑緣如燕尾然即後人所
誤以衿為燕尾者也夫古之衣服必上衣下裳而色亦
不同蓋取法乎乾坤其義為至精也惟婦人則衣裳同
色取從一而終之義今之服率皆長衫之制唯朝祭之
服則上下猶存而其色其制合于古者鮮至于君子
求諸古而不得則人為異服小人厭于今而思異則
日變新衣古者天子巡守則同衣服而閭閻禁異服

古之君子非先王之灋服不敢服亦考禮者所當知也

裼襲義

祀昊天上帝則大裘而冕羔裘逍遙狐裘以朝犬

羊之裘不裼不文飾也不裼裘之裼也見美也弔則襲不盡飾也君在則裼盡飾也服之襲也充美也是故尸襲執玉龜襲無事則裼弗敢充也執玉其有藉者則裼其

無藉者則襲子游裼裘而弔主人既小斂袒括髮趨

而出襲裘帶經而入 喪禮有所袒有所羨 孔子緇

衣羔裘素衣麕裘黃衣狐裘 君衣狐白裘錦衣以裼

之君子

孔子也

狐青裘豹褰玄綃衣以裼之麕裘青紵褰

即素衣

絞衣以裼之羔裘豹飾緇衣以裼之狐裘黃衣以

裼之 表裘不入公門襲裘不入公門 不有敬事不

敢袒裼 勞無袒暑無褰裳

舊說古人衣近體有袍襜之屬其外夏葛冬裘上皆有
裼衣裼衣之上有襲衣襲衣之上有常著之服則皮弁

服及深衣之屬是也掩而不開謂之襲若開而見出其
裼衣則謂之裼也此說何不近人情也愚謂裼襲唯裘
有之若葛則直表而出之外加禮衣耳苟衣葛而又加
以裼襲常服是豈夏月所宜觀詩云璫兮璫兮其之展
也蒙彼絢絺是絀絆也謂以展衣而蒙于絢絺之上也
又云是以有衮衣兮蓋成王以七月迎周公詩人指所
見周公之衣也冬月則常服之外加禮服禮服之外有
裘裘之外或裼或襲裼則領袖下齊皆露其文襲則全

掩而不露蓋裼則不襲襲則不裼非有裼又有襲也唯其裘加于禮服之外舉目即見故古人多指其裘而不指其禮服若大裘而冕狐裘以朝君衣狐白裘此類甚多若裘在禮衣裼襲之內重重掩覆何以見之至謂開而見出其裼衣古人行大禮之時衣服何得如此不肅整豈紕絆之意乎夫冕服所以章德故以裘加其上蓋裘者服之本裘之加于衾猶鞞之加于裳也且夏主發散冬主斂藏夏表冬裏亦凜象之一事也然則胡以為

別君臣蒞事之裘色各不同而其裼衣稱是即表可以
知裏矣夫禮有以文為貴者有以質為貴者君在則裼
襲裘不入公門其有藉者則裼盡飾也此以文為貴也
尸襲執玉龜襲其無藉者則襲充儻也此以質為貴也
無事則裼尚文也弔則襲去飾也喪禮之襲非襲裘
也謂有時袒而露臂有時不袒但以衣掩臂云耳蓋去
飾之甚豈更以裘之文為貴而復論其襲不襲哉子
事父母亦當尚文衣純以青衣純以采是矣正宜著裼

衣所謂不敢袒裼者謂非有敬事如割牲芸瓜之類不敢自擇便利袒裼以露臂已上裼襲二字乃借義非正謂裼衣襲衣也 素裘不入公門謂全露其文而無裼衣于外惡其褻也犬羊之裘不裼謂其無文不待于裼也然則庶人亦不敢衣裘以入公門矣 又詩云衣錦絺衣裳錦裝裳則或春秋之時衣錦而尚之以絺非比錦衣以裼之外復有絺衣也

瑞玉圖

大圭



典瑞王晉大圭執鎮圭繅籍五采五就以朝日

言朝日則凡大

祀皆然

攷工記大圭長三尺杼上終葵首

記玉藻天子搢珽

方正于天下也 其制直方厚一寸上稍薄以便于搢
故曰杼上終杼者剡也葵首者葵殺也言殺其首之厚
也 一名介圭介大也

圭 鎮

華



泰



衡



恒



鎮安也刻四鎮山以義推之背面各二取鎮安四方之
義尺有二寸灋天數也

圭 珍



珍重也天子之圭尺有二寸莫有重焉者此圭如其度
故以珍名其異于鎮圭者蓋不刻也召監守重臣及以
之發倉廩用之皆莫大之事也

圭 瑁



攷工記天子執瑁四寸以朝諸侯玉方四寸邪刻其下
輯諸侯五瑞合其剡者以為信取名于冒者覆冒天下
之義也

圭 桓




公執桓圭象桓楹雙植形九寸者九命也

信圭




侯執圭五等諸侯獨以侯稱故所執亦以信名七寸者七命也

圭躬




伯執躬圭象人身之形似信圭微屈七寸者亦七命也

圭 琬




典瑞琬圭以治德以結好攷工記琬圭九寸而縹以象
德琬圓也謂規其首也

圭琰




典瑞琰圭以易行以除慝攷工記琰圭九寸判規判斲也從圓而剖之為兩峰取剛制之義也

圭穀



典瑞穀圭以和難以聘女攷工記穀圭七寸天子以聘女穀有和善生生之義也


四圭有邸



典瑞四圭有邸以祀天旅上帝攷工記四圭尺有二寸以祀天

以璧為趺而植四圭其上璧圓以象天四圭者四時之象十二寸者天數也


兩圭有邸



典瑞兩圭有邸以祀地旅四望攷工記兩圭五寸有邸以祀地

以琮為趺而植兩圭其上琮方以象地兩圭者地拆之象五寸者半于天也

圭壁



典瑞圭璧以祀日月星辰攷工記圭璧五寸圭樹于璧
日月星辰附于天也

圭 土



大司徒以土圭之法測土深正日景尺有五寸謂之地中凡建邦國以土圭其地而制其域

典瑞士圭以致四時日月封國則以土地

圭 裸



典瑞裸圭有瓚以肆先王以裸賓客攷工記裸圭尺有二寸有瓚以祀廟祭統君執圭瓚裸尸大宗執璋瓚亞裸瓚以承鬱鬯圭以為柄

璋




半圭曰璋聘禮璋以皮二王後享后以璋祀禮以赤璋
禮南方斂玉首以璋

牙璋




典瑞牙璋以起軍旅以治兵守攷工記牙璋中璋七寸射二寸厚寸牙者猛獸之兵刻為牙象故以牙名取有備司殺之義曰牙璋中璋七寸者言如璋之度耳非謂中璋亦用以起兵當以典瑞為據

瓚·璋



詩濟濟辟王左右奉璋又曰瑟彼玉瓚黃流在中典瑞
璋邸射以祀山川以造贈賓客祭統大宗執璋瓚亞裸
攷工記大璋中璋九寸邊璋七寸射四寸厚寸黃金勺
青金外朱中鼻寸衡四寸有縹天子以巡守宗祝以前
馬大璋亦如之諸侯以聘女又曰璋邸射素功以祀山
川致稍餼

璧




肉倍好曰璧玉不刻處曰肉中空刻處曰好肉倍好者肉
好三分之肉兩旁得二好得一也

穀璧




子執穀壁以養人為義

蒲壁




男執蒲壁以安人為義

子男璧




按璧圓虛中故子男之璧古圖皆為圓形但侯伯之圭長七寸子男之圭四面圓徑五寸則視圭為反重且天子之瑁所以合五瑞苟博五寸則亦何以合之愚謂當為圓長之形博三寸而長五寸則既殺于躬圭而又不妨于合瑁謹存之以俟知者

璧 羨




考工記曰璧羨度尺好三寸以為度蓋內倍好謂之璧凡
璧好一肉二好圍之三寸則肉之外圍之得九寸璧羨者
九寸而羨餘一寸故度尺也

環



好倍肉曰環以肉好六分之肉兩旁得二好得四

環




肉好若一曰瑗以肉好四分之肉兩旁得二好得二

璜




半壁曰璜北方所用冬物伏藏天半見地上之象

琮 駟




攷工記駟琮五寸宗后以為權

大琮



攷工記大琮十有二寸射四寸厚寸是謂內鎮宗后守之

琮 駟



攷工記駟琮七寸鼻寸有半寸天子以為權

琥



琥制無攷舊說刻伏虎形然六玉無象物者以例推之
北方陽之始瓚為半璧西方陰之成琥其半琮歟西方
白虎故以取名也

瑞玉說

按玉備天地之全德記所載備矣圭為直方象縱立而
貫通上下之形玉之主也璧圓虛中以象天琮八方以
象地又圭銳其首象春德之發生夏則一陰生不若春
德之盛故半圭曰璋夏象也冬一陽復天之德故半璧

曰璜秋陰盛地之德琥其半琮歟六者之形聖人所以擬諸三才者其義精矣故天子諸侯執之以為瑞玉

自其德之所徵曰瑞自天子所頒曰命自傳之不失曰守鎮圭尺有二寸天子守之凡行大禮所執也大圭三尺天子以為笏平日所執有事則搢焉也冒玉四寸天子以合諸侯之瑞所以朝諸侯者也大琮尺有二寸宗后守之以為內鎮宗后者或先王之后或王后世次相傳以主內政故曰宗也

已上天子及后之玉

命圭九寸謂之桓

圭公守之命圭七寸謂之信圭躬圭侯伯守之璧五寸
謂之穀璧蒲璧子男守之諸侯朝會于天子及自相朝
會則執以為信者也朝會之後則有享天子及后之禮
虞書所謂五玉之贄也小行人合六幣圭以馬璋以皮
璧以帛琮以錦琥以繡璜以黼攷工記云璧琮九寸諸
侯以享天子蓋享天子以璧享后以琮故總云璧琮以
享天子也攷工記又云瑒琮八寸諸侯以享夫人則諸
侯相享亦以璧琮但用夫瑒者耳諸侯遣臣聘于天子

及侯國自相聘不當用夫諸侯之守圭璧故璽圭璋璧

琮以覲聘

已上諸侯及其臣朝享之玉

其在于祭祀四圭尺有二

寸以祀天旅上帝兩圭五寸以祀地旅四璽圭璧五寸

以祀日月星辰此祀神之玉若其圭然也蒼璧禮天黃

琮禮地青圭禮東方赤璋禮南方白琥禮西方玄璜禮

北方此禮神之玉若享之者也裸圭尺有二寸以祀先

王以裸賓客璋邸射以祀山川以造贈賓客即攷工記

所謂大璋中璋九寸邊璋七寸天子以巡守宗祝以前

馬此用于宗廟山川裸地以降神也其用于賓客禮賓

如神也

已上祭祀之玉

至于國家舉大事而以玉為信者珍

圭以徵守以恤凶荒琬圭九寸以治德以結好琰圭九

寸以易行以除慝穀圭七寸以和難天子以聘女牙璋

七寸以起軍旅以治兵守此因事用玉故象其事以為

名物也

諸侯聘女則用中璋亞于天子之圭也、已上舉大事之信玉

又灋器之玉

土圭尺有五寸以致日封國則以土地壁羨度尺好三

寸以為度駟琮五寸宗后以為權凡建國市之度量由

后出也駟琮七寸鼻寸有半寸天子以為權此先
王同律度量衡于天下存其定制則久而不謬也
已上灋器玉 駟圭璋璧琮琥璜之渠眉䟽璧琮以斂


尸此用于死者以禮天地者禮之也玉之用為瑞
為祀為信為灋器為養生為送死至于唯辟玉食
則有如月令所載服玉又若冠玉珮玉車器飾玉
玩好之玉雜見于經傳不能盡舉此聖王所以重
之而天下皆以之為禮蓋以其成器可以適用者

故以相贈貽也

大常旂旗旒旐旛旌物謂之九旗乃天子諸侯諸臣
平日車上所建畫其象及書其名號故其幅縱長以為
文建于車上要必以兩相對故日月交龍熊虎鳥隼龜
蛇並以偶為制又如天子之幃宮而設旌門諸侯之次
舍而置其旂並當以兩也 畫日月熊虎之類每一旗
止畫一物舊制每幅皆畫則不能示遠矣非也 旗幅
曰慘慘之所垂曰旂旂即旗幅之末殺而垂者大常十
二旂即十二幅餘九七五皆然 旗之高以幅為節

廣居高三分之一
慘音杉旂由流二音

大常



巾車玉路建大常十有二旂以祀 司常日月為常儀

禮大旂象日月升龍降龍郊特牲龍章而設日月左傳

三辰旂旗曲禮招揺在上 按日月星辰唐虞以為衣之上周人則畫之于旗以為大

常唯天子得建之但司常有日月而無星辰者記云招揺在上舊註謂即北斗第七星名揺光者甚為有理蓋

北斗柄所指之方為十二月建天帝用以施令施令者故王之中軍畫之用以指揮萬象是故日月謂之大常

祀事所建北斗星亦謂之大常則我事中軍所建也然觀儀禮郊特牲左傳所云則交龍為旂日月之下仍以交

龍為象熊虎為旗如王之侯畫虎方稱旗之名也

大旗


金ノバノノニ

卷下



鄉師凡四時之田以司徒之大旗致衆庶而陳之遂
人凡起野役以遂之大旗致之 大司馬田之日司馬
建旗于後表之中 及致建大常 凡旗唯五路所建
為大故此云大旗者皆指王大常之旗也司馬代王為
將故得建之大司徒遂人為王致民故並云大旗也


大旗



巾車金路建大旂以賓同姓以封司常交龍為旂接天子之冕服雖有五等如諸臣之制而五冕並十二旒以為別故此大旂而下四者並當如大常十二旒之數此交龍者亦當如卷衣一升一降若諸侯有升龍而已下大赤大白大麾高廣皆當如大常

諸侯旂

卷下



旂以封同姓然其幅自當依九七五命數故此乃同姓
上公所建若同姓侯伯則當從七子男自當從五 異
姓雖不以封二王後及為上公九命者亦得建之

璽

金
大
王
赤
色

卷下

王大赤

諸侯璽

全赤色


全赤色

巾車象路建大赤以朝異姓以封司常道車載旛全羽
為旛天子朝覲之事十二旂異姓諸侯七命所建七旂
若五命者旗幅亦當以五為節

旛

王大白

四衛旛




巾車革路建大白以即戎以封四衛通帛為旛孤卿建
旛天子軍旅之事十二旂四衛如子男命數幅以為五
節若孤卿六命別當以六幅為節

旗

蕃國旗

王大明




巾車木路建大麾以田以封蕃國司常旂車載旌析羽
為旌天子田獵之事十二旂蠻夷雖大曰子蕃國旗幅
亦以五為節

師都旗

金ノビノノ

卷下




司常熊虎為旗師都建旗師都者公之采地三公八命
旗幅亦以八為節

縣鄙旐


金匱要略卷之二十一

卷下



司常龜蛇為旐縣鄙建旐縣鄙者卿之采地卿六命旐
以六為節

州里旗




司常鳥隼為旗州里建旗州里者鄉遂大夫所統除公卿有采地者大夫四命旗以四為節

物

金
工
ノ
ノ
二

卷
下


間
色




司常雜帛為物大夫士建物間色故曰雜大夫四命士
三命二命旗幅亦以四三二為節

鳥章




詩織文鳥章即記所謂前朱雀也舊圖畫之如上理或
然也龍虎蛇並同按軍中旗主于指揮故其幅廣而飄
揚古文旗字作正此意也然其數皆單用非若車上
旗之用兩故止稱龍虎鳥蛇而已

小麾



詩白旆央央舊圖如此蓋麾主布陣用之欲其易于指揮故狹而長也

九旗說

按旗之為言主期民于其下古文作旗形也復從期省會意國事有常旗天子諸侯諸臣以辨等威書號名軍事之旗以別前後左右之軍又別有小麾以為進退疾徐之節其制各不同不可以相混凡旗之辨莫重于色故畫者以象物為主而色在其中不畫者則專以

色為主司常及大司馬所謂旂旗旒旐即記之左青龍
右白虎前朱雀後玄武四方之色存乎其中矣通帛即
大白也色純而不施采故曰通旌字從單意亦如此孤
卿建之取其從王而不敢專招庶人以之取其質素無
為之意白兵象故巾車王革路建大白道車即象路巾
車王象路建大赤則此云道車載旒為大赤明矣旂車
王以之巡遊田獵即木路也巾車王木路建大麾夫五
路之序曰旂青也曰大赤曰大白則麾為黑無疑此云

旂車載旌即大麾則其為黑亦明矣唯夫雜帛為物則無可攷然以三者之例推之則青之間色也蓋旂旗旒旗有象之四色旒旌旌物無象之四色皆不離乎四方之色先儒不正明其色而統觀之故不免有錯誤耳九等之旗大常唯王所用更莫敢參其餘莫尊于大旂也故與大赤大白大麾為五路所建其高廣一視夫大常者也其為諸侯所建則旂以封同姓大赤以封異姓大白以封四衛大麾以封蕃國皆如巾車所云其

高廣則當視其命數矣夫王既用大常以象天公與同
姓用龍以象其變化矣其餘三路及異姓蕃衛之國
不以象而止以色者其以君道為無不可同于諸臣者
歟 其在王國則司常贊大司馬于大閱所頒諸侯建
旂師都建旗州里建旗縣鄙建旒皆有所將故旗有所
象孤卿建旛卿大夫建物皆無所將故其旗亦無所象
道車載旒旂車載旌則王在國所常用而以從行者也
唯夫大司馬于振旅所建旗物與此不同愚謂旌旗

以一人之耳目故大閱頒之而振旅辨之豈容有二蓋
為誤文不可強解若安營布陳則其旗麾之制又各有
凜于平日所建乃有不同耳

車制

按凡車之制方而任載曰軫曰箱四面皆廣六尺六寸
大車深八尺兵車深四尺四寸小戎所謂淺收乘車皆
然便坐立也軫之下木午貫而恒于車者橫曰軸以受
輪從曰輶以施衡合于軸而外行者曰輪以軌之八尺

計之除車之廣則輪厚七寸其輪之大兵車六尺六寸
田車六尺三寸大速小遲也支輪者曰輻輻三十外持
輻內受軸者曰轂又曰軹徑一尺中宜有三四寸圓孔
以受軸長一尺五寸出于軸外八寸兵車長三尺二寸
故曰暢轂蓋古者行軍以車為營轂出輪二尺五寸使
之比次整齊不相磨擊與離次也軸貫轂而出與轂齊
軸端曰範範上之板曰陰所以約轂使輪不外脫也轂
軸之交運動易敗故各施金轂內之金曰輶軸頭金曰

輶輶從車後至前長丈四尺四寸亦曰輶輶之端高曲而施橫木以駕馬者曰衡又曰輶平直而施橫木以駕牛者曰輶又曰輶馬高牛卑也輶彎曲處有皮束之凡五故曰五檠梁輶駕于衡之兩馬曰服外兩馬曰騂皮繫于陰板而騂馬引於胸者曰鞵亦謂之靳陰板有環以繫鞵者曰續皮前繫于衡後繫于軫之兩端驅兩騂使不得內入者曰脅驅馬之韁曰轡亦曰倅手執之而垂者曰革騂馬之內轡繫于軾前謂之軾繫軾之環謂

之轅執兩服之四轡及兩驂之外轡而御之者曰六轡以皮為環總約六轡而游移不定者曰游環馬銜曰鑣婁頷有鈎當胸帶曰膺而在膺有樊纓樊馬大帶纓馱也鈴在鑣曰鑾在軾曰和或曰乘車之鑾在衡軫上橫木當陰曰軾却暑雨曰蓋亦曰輶宜用朱韞蔽旁曰簾第析竹所為並見齊詩載驅藏用不常故經傳或有或無加木于車旁以防傾側曰輔詩無棄爾輔木止車將行則發之曰軻亦曰柅挽以上車之索曰綏尊者別有

器如短梯者曰爰凡兵車曰輶輶取其屯衛朋比又曰輶車取其輕疾如猶加巢其上而望敵者曰輶攻城曰臨衝輶輶婦人車及載衣物者曰輶輶蓋即使輶輶者以其漆而外黑故曰輶可以屏蔽故曰輶又曰輶輶取其如窻牖可開閉也喪車及泥行載物者曰輶輶輶三者名殊義同四輪而卑取其安而不傾覆也又有大車曰輶取其載之多小車輶人助輶者曰輶今之大車其輶之類小車其輶之類歟此其大略耳仰觀乾象若五

車軫輻車府車肆甚詳故聖王經略中原車制與經界相表裏實制戎馬之精意而平居則以之辨等威學者則以之觀才藝其用為不小矣後世率從簡便平居則用肩輿名存實亡識者謂以人代畜而深非之至于車戰之灋遂不可復然則古先哲王豈故為此遲頓之器而費無益之財上天亦豈設此無用之象耶殊不知步騎今雖易辦而其敗莫能支車灋始雖未易卒辦而其功為甚博今人徒計其始之難易而不要其終之利害

譬之作室者北人多以甄土為壁每遇火災不過數十家止矣南人多以蘆竹為壁每延燒數千家及其重建則復如之徒取其始之易而不顧其後之害何以異此昔魏勝造如意車用之輒效惜乎其瀟不傳

輒音岐轄音管轄月

八反繫音木勒引去斬音觀輓音決鑣音標輓音聊杞寧禮反齋登同輶輶音屯朋輶輶音文淵輶音屏輶輶音而春輶日宣反輶輶音夾漈鄭氏車說曰聖人作車

圜而為輪方而為輿曲而為輶皆有制度運而無窮無作則止者輪也掬之乎上拱之乎下者輿也載欲準行

欲利以需為病以覆為戒者輈也輪以運輿以載輈以服三者然後行故兵車乘車之輪各六尺有六寸田車田車之輪六尺有三寸轂以利轉輻以直指牙以固抱轂之材中以虛受軸大穿為賢小穿為輈外以實受軸故二分在外一分在內轂之末則輈是也轂之約則篆是也軸之近轂則謂之股近牙則謂之骹股入轂中謂之蓄股入牙中謂之蚤夫牙之材或謂之渠其大足以抱輻故也或謂之揉揉木以為之故也轂又有革以輓

之輻有綆以固之牙又有漆以飾之此輪之制也即輿以考之兩轎上出式者較也較下橫一木者式也軹則轎之植者以其旁止于此故曰軹軹則式之植者對人而言故曰軹輿後橫木則曰軫式前橫木則曰軌此輿之制也即輈以考之國馬之輈深四尺有七寸田馬之輈深四尺駕馬之輈深三尺有三寸適當伏兔圍在前持衡則為頸圍在後承軫則為踵圍此輈之制也且輪之中有軸所謂軸有三理也輿之下有轍所謂加軫與

轆是也輈之前有衡所謂衡任是也軸木則有轆助輻
則曰輔輿間橫木則曰軫繫木乘輿則曰輶大車輈端
則曰輈小車輈端則曰輈其制雖考工記無所見要其
材皆相資以致用闕一不可故軾可以名輿可以名車
達常可以名部軾前橫木可以名輅此又因一材而通
名之也其為車也有長轂者有短轂者有杼輪者有倅
輪者有反掾者有仄掾者有兩輪者有四輪者有有輻
者有無輻者有曲轆者有直轆者

輈有輈

有一轆者有兩

轅者有直輿者有曲輿者

鈎車曲輿


有廣箱者有方箱者有

重校者有單校者或駕以馬或駕以牛或挽以人或飾以物或飾以漆或樸以素皆因儀以為制稱事以為之文也

金定四庫全書

卷下


營軍壘舍圖



周禮圖說

量人營軍之壘舍量其市朝州涂軍社之所里
禮記左青龍右白虎前朱雀後玄武招搖在上急繕其怒
隨其師衆多少量人掌營壘之灋每營之中從橫大道各二分為九州所謂州涂也市朝祖社略如建國之灋餘見握機經傳

逐禽左圖



凡禽向東則車旋而在北向北則車在西向西則車在南向南則車在東皆取其向左而射之惡其逃生之意此射御之灋也故逐禽而左御者之善射左而獲射者之善苟不用此灋唯取禽之相近而射獲雖多而不中殺所謂詭遇而獲禽也

八矢圖

增矢第矢用諸弋射三分其矢
當一分而前後平矢頭最重者


枉矢繫矢利火射五分其矢當
二分而前後平矢頭次重者

殺矢鏃矢用諸近射田獵七分其矢當
三分而前後平矢有鏃而前畧重者

恒矢庠矢用諸散射二分其矢
前後適均以矢不設鏃故也

合弓圖

兌
兌
兌
兌
兌



凡弓初弛皆向外
張之則向內弛弓
九具合而成規不
甚向外天子用之
其餘以次反外合
七合五至合三而
止因以為諸侯大
夫士之節若初弛
時而先圈曲向內
不成合者此則弊
弓不可用也

校人圖


六殿成校校有
左右每校馬一
千二百九十六
匹車三百二十
四乘

竊案為殿亦曰關
馬二百一十六匹
車五十四乘

三皂為繫馬三
十六匹車九乘

三乘為皂馬十
二匹車三乘

一園師馬四匹




一馭夫驚馬
一千二十四匹


一趣馬驚馬百二十八匹

一圉師驚馬十六匹


一圉人驚馬二匹



秦漢內外朝圖



漢兩府圖



舊有四圖一宰夫之官分為尚書中書後遂成兩省三宮正宮伯之官分為光祿勳衛尉後遂成門下省二自膳夫至腊人凡鳥獸魚鼈烹庖之事自酒正至掌次凡酒漿醢醢幕帝幄次之事分入少府自醫師至獸醫分入太常亦入少府自大府而下至掌皮內一項財則分入少府外一項財分入大司農四自內宰至內司服以下凡宮中使令人分入於大長秋

漢南北軍之圖

內北軍

衛將軍

文帝置後
復罷之

中尉

兵即三輔之兵
番上以充之

衛尉

兵

二萬人見武帝紀
建元元年郎國材
官騎士番上以充
之掌巡徼京師

外南軍

扶風

馮翊

京兆

十二城門
校尉屯兵

八校

此掌屯于
宣帝陽
包南北軍

長水
虎賁

南北

胡騎
射聲

南北

越騎

南北

步兵

南北

屯騎

南北

中壘

北

羽林
期門
並屬光祿勳

郡國有材官騎士

周禮圖說卷下